

Sanhgyangh: Gyajseizhwngq Yiengjsouh Fungcingz Youzcet

三江：暑日乐享风情游

8 nyied 27 hauh, cien boux doxhwnj bouxhek Guengjdoeng Guengjsae youq seiz gyajseizhwngq yaek sat le, foenfoen bae Sanhgyangh Dungcuz Swciyen Cwngzyangz Bazcai Ginggih yiengjsouh ngoenzgyaj fungcingz youzcet, bae daejniemh Mbanjdung minzsuz youzbyaij, biujyienj yotfaiq, golaux Dungcuz, dwk youzcaz, ngaizbakranz daengj Dungcuz vwnzva fungcingz ngaizhoengh nyuenz miz neix.

(Gungh Bujangh/龚普康)



▲Caezgya comz daeuj gwn ngaizbakranz.



▲Bouxhek daejniemh diuq fouxsaux.



▲Bouxyienj biujyienj diuqfoux.

Lozcwngz: Ciengqgo Diuqfoux Angqhoh "Song Hoih" Ciuhai

罗城：载歌载舞欢庆“两会”隆重召开

8 nyied 25 hauh, Lozcwngz Yenveij Senhconzbu cawjbanh ciengz vwnzyi vanjvei he aen cawjdaez dwg "Lozcwngz moq gyaundeidei • Mbanjmulauj vuenyungz", angqhoh Lozcwngz Mulajcuz Swciyen aen hoih gouj gaiq yinzda caeuq aen hoih cwnghez gouj gaiq baez it ciuhai, gyoengq bouxyienj doenggvaq gofoux, siujbinj daengj biujyienj hingzsik vunzlai haengj yawj gyaed dingq haenx, baijyienj gij hwngfat cingzgoj Lozcwngz caeuq saedceij vuenyungz gyaundeidei beksingq Mbanjmulauj.

(Mungz Cwngshwh/蒙增师)

Gaiq Daeuz Cungguk(Sinhcin) Mbanj Gaeuq Caeuq Lajmbanj Moq Cawjdaez Baijyienj Miz Yenzsu Mbanjcuengh

首届中国(深圳)古村与新农村主题展有壮乡元素

8 nyied 23 hauh, youq Guengjdoeng Sinhcin Si Gozci Veicanj Cungsim, dah sau Mbanjcuengh ndang daenj buhvaq minzcuz yiengq bouxyienj yawjngonz gaisau Guengjsae Liujcouh Si lajmbanj lijyouz swhyenz. Ngoenzhaenx, gaiq daeuz Cungguk(Sinhcin) mbanj gaeuq caeuq lajmbanj moq cawjdaez baijyienj youq Sinhcin Veicanj Cungsim banh, dahsau Guengjsae Liujcouh Si raeuz ndang daenj buhvaq minzcuz gyaueget moqsag, yiengq hekyouz caeuq canghseng'eiq camgya hoih baijyienj haenx senhconz Guengjsae Liujcouh Si lajmbanj lijyouz swhyenz gyaundeidei, gaisau doigvangq dujdwzcanj ndei dangdieg, yinx ndaej haujlai boux hekyouz caeuq canghseng'eiq ndaw guk rog guk haeujsim yawjngonz.

(Danz Gaijhingh/谭凯兴)



▲Dahsau Mbanjcuengh yiengq hekyouz gaisau dujdwzcani.

Mbanjyauz Haiguh Hong Dingh Gienz Diegdeih Lajmbanj

瑶山开展农村土地确权工作



▲Ganbu cingq yiengq vunzlai Yauzcuz ruh senhconz.

8 nyied 26 hauh, ganbu Ginhsiu Yauzcuz Swciyen Sanhgoz Yangh fatcuengq swhliu senhconz hong daenggeiq dingh gienz gij gienz baugh ginghyingz diegdeih lajmbanj. Hong daenggeiq dingh gienz gij gienz baugh ginghyingz diegdeih lajmbanj dwg youq gij giekdae onjdingh diegdeih cizdij lajmbanj ngeih lwnz nodraez baugh gwnzde, caenh' itbough gaijndeidei gij dingh gienz daenggeiq caeuq fatcingq. Aen yienh neix aeu dingh gienz reihnaz mienhcik miz 205542 lai moux, seizneix gaeng cienzbouh guhsat hong ciu douzbiu, caj gunghshw capyouq lo.

(Cinz Haijyen/秦海燕)